



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

3. Quo pacto S. Basilius, tempore famis, sit à nobis imitandus?

urn:nbn:de:hbz:466:1-45701

necessario alimento conne^ctens, ac dolorem eorum utrimq^z, leniens. Tali^s erat n^ostrus n^oster procurator & secundus Ioseph: immo etiam quidam habemus, quod de nostro magnificentius praeedicemus. Ille enim arte fami occurrit, ac benignitate Agyptus emercatur, ubertatis tempore ad famem venturam commodi^simè usus, aliorumq^z, insomnijs adeam rem ordinatus: hic autem gratuitam beneficentiam exercebat, neq^z in hoc frumentario largitionis auxilio quaestum ullum captabat, id unum spectans, ut misericordia misericordiam sibi conciliaret, ac pro terrenā frumenti erogatione calestib^s opibus frueretur. Accedebat sermonis alimonia, pleniusq^z beneficium ac munificentia, illa inquit verè caelestis ac sublimis: Siquidem Angelorum panis sermo Diuinus est quo aluntur atq^z irrigantur anime Devi esurientes, ac cibum non defluentem & abeuntem, sed perpetuò manentem expertentes, cuius ipse dispensator erat, & quidem per quam locuples, homo alioquin omnium, quos noui, tenuissimus atq^z egentissimus, non panis famem aut sitim aquae sanans, sed verbi illius verè vitalis ac vim alendi habentis, cumq^z qui rectè nutritur, ad spirituali^m atatis incrementum ducentis, audiatur explens. Ob hec igitur ac tanta (quid enim omnibus recensendis longiorem moram trahere necesse est?) cùm is, qui nomen à pietate apposita ducebat, ex hac vitâ migrasset, atq^z in ipsis manibus animam suaniter exhalasset, ad excelsam Episcopatus sedem evectus: non id quidem citra laborem, nec citra inuidiam & dimicationem tum eorū, qui patriam cum imperio administrabant, tum perditissimorum quorumcumq^z huius orbis ciuium, qui ab illorum partibus stabant. Verùm fieri aliter non potuit, quin Spiritus S. vinceret, atque adeò abunde vicit.

Omnia, quæ hucusque, ex D. Gregorio recensui, sunt documenta, in fame, erga proximum seruanda, quæ ille demonstrat, D. Basilius seruasse, à quo alijs scribunt, adhuc presbytero prædia, possessionesque venditas, pecuniamque in alimenta conuersam, vt inedia laborantibus posset succurrere, adeò ut etiam Iudeorum liberos huius benignitatis & liberalitatis ex æquo participes faceret. Documenta autem, quæ etiam nobis sunt capienda, præcipue sunt, i. vt, dum alijs esuriunt, frumentum non abscondamus, neque dicamus, farinam, aut panes non haberi, quod faciunt, qui aut pretium, & famem augere volunt, habendi cupiditate.

§4. Cap. IX. Fames hominibus boni vel mali occasio.

tate inflammati, aut qui Deo diffidunt, ne & ipsis subducat, quod comedant. Quasi ille auaros magis curet, quam liberales; aut immisericors sit erga misericordes. Contrarium efficiunt. Nam dum habent, & negant, etiam Deum, qui habet, vnde eos alat, docent negare; immo propemodum cogunt. 2. Discimus, infame, non miracula petenda, & panem e nubibus cadentem; sed modos viasque naturales adhibendas, magisque tunc Promos, quam Condos in familiam asciscendos. 3. Adeudos locupletes, & adhortatione aures primum, tum etiam cistas, & granaria illorum aperienda. 4. Non fugiendos aut declinandos esse misereros, neque expectandum, donec ipsi fores nostras pulsent; sed ultro querendos, sed conuocandos, sed cogendos, ut ijs & ostia & viscera patefaciamus. Si enim opifices nonnulli circumirent, & querunt, vbi laborando lucrum possint reportare; cur non & nos lucrum hoc spirituale queramus? Ad hoc Deus famem facit, ut tibi charitatis exercenda & lucri faciat occasionem. 5. Christi, & Basilij exemplo, lauandos miserorum pedes, ut & corpora eorum cibis, & mentem humilitate nostra reficiamus. Neque putandum est, hoc ad veteres dumtaxat sanctos, aut ad religiosos pertinere; cum complures Principes, etiam nostra hac aetate, sciad pauperibus pedes abluisse. 6. Non aliena tantum liberalitate, sed proprijs opibus inopes refocillandos. Honora Dominum de tua substantia, & de primitijs omnium frugum tuarum da ei, & implebuntur horrea tua saturitate, & vino torcularia tua redundabunt, ait Salomon. 7. Addenda solantia verba, & ad patientiam, fiduciamque in Deum excitantes exhortationes; ut & anima cum corpore pascatur. 8. Magnam, & in hac, & in altera vita, misericordibus superesse mercedem; nam, Basilij instar, non raro euehuntur ad magnas dignitates, qui minimis succurrunt, & postquam morte defunguntur, etiam ipsi misericordiam reperiunt.

IV.
Florentius
Abbas in vita
eius, apud
Sur. Tom. 6.
Cap. 4.

Immò reperiunt etiam in hac vita. Ut enim illi non sinunt Christum in pauperibus esurire, ita nec ipsis patitur Christus, in fame, famem pati; sed pascit vicissim pascentes se. Iudocus Britonum regis filius, eò inopiz adactus est aliquando, ut pro se, proque discipulo suo Vulmoro, in victum quotidianum non haberet,